

## Պրիվոլնոյե

Մակերես՝ 55,11կմ<sup>2</sup>

Բնակչություն՝ 1048

Տնային տնտեսությունների թիվը՝ 376:

Գյուղ Տաշիրի տարածաշրջանում, Տաշիր քաղաքից 17կմ հարավ-արևելք, մարզկենտրոնից գտնվում է 52կմ հեռավորության վրա: Գյուղը հիմնադրվել է 1850թ.: Հիմնական բնակչությունը եղել են ռուսներ, որոնք տեղափոխվել էին ցարական Ռուսաստանի տարբեր մարզերից: Գյուղը գտնվում է ծովի մակերևույթից 1585մ բարձրության վրա: Կլիման ձմռանը ցրտաշունչ է, ամռանը՝ զով:

Հաճախակի են չորային երաշտի տարիները:

Գյուղատնտեսական նշանակության հողերը՝ 4621,8 հա, որից՝ 1071,6 հա վարելահող, 11հա այգի, 1480,11հա խոտհարք, 1945,7 հա արոտ:

Բնակչությունը հիմնականում զբաղվում է ցորենի, գարու, հաճարի, կարտոֆիլի, կաղամբի և այլ բանջարա-քոստանային կուլտուրաների մշակությամբ և անասնապահությամբ:

Գյուղն ունի միջնակարգ դպրոց, մշակույթի տուն, բուժկետ, փոստի բաժանմունք: Համայնքում գործում է Երևանի կաթի գործարանի կաթի ընդունման կետը: Գյուղի ռուսական եկեղեցին կառուցվել է 1875թ.:

Համայնքի հիմնախնդիրների մեջ կարևորվում են գյուղատնտեսական մթերքների իրացումը, միջհամայնքային և գյուղամիջյան ճանապարհների վերանորոգումը:

Համայնքը սահմանակից է Կրաստանի Հանրապետությանը: